

Henny ta hopi contento cu sentencia di Huez

Eman ta manda palabranan di advertencia pa Gobierno

ORANJESTAD(AAN):

Diaranzon atardi Ex Prome Minister Henny Eman conhuntamente cu su ruman homber cu ta lider di e partido berde Mike Eman a duna un conferencia di prensa na cas di nan mama, un dia despues cu huez den e caso contra di Henny Eman a kita cinco acusacion for di citacion contra ex-Prome Minister di Aruba.

Henny Eman durante di e conferencia di prensa a indica cu e acusacionnan na su persona tabata un preocupacion hopi grandi pa e y su famia, cu ta un famia politico di 4 generacion cu a traha duro y honesto y a duna parti di nan bida pa nos pais. Segun Eman, como politico el a pasa den periodo nan hopi dificil, pero nada compara cu loke el a pasa aden ora Ministerio Publico a dicidi di hacie sospechoso di entre otro Fraude y malversacion di placa, den casonan cu e no tabata tin nada di haber cune.

Ex Prome Minister a bisa cu aunque tabata muestra manera lo tabata hopi dificil pa sali afor di e proceso cu a worde cuminsa, cu un resultado positivo, e tabata totalmente convenci cu tur cos lo bay bon pe y pa su coleganan, mirando cu nan no a haci nada malo.

Awor e ta hopi contento cu loke e tabata kier a logra, esta pa tur cinco di e partinan di e "dagvaarding" cu tabata encera criminalidad worde elimina, a logra.



E unico parti cu falta segun Eman ta un discusion riba presupuesto cu la un ley cu AVP mes a introduci, y cu nunca a worde aplica ainda. E hueznan mes den e sentencia a bisa cu ta un ley nobo, caminda cu tin discusionnan entre e profesionalnan, caminda cu segun Eman e no tin ningun problema di bay dilanti huez, y duna un splicacion riba e asunto aki den futuro.

E problema segun Henny

Eman den henter e asunto aki ta cu e Gobernantenan di MEP, awor y den pasado nunca a kere cu berdaderamente por tin Politiconan manera esnan di AVP cu pa generacionnan semper a traha na bienestar di pueblo di Aruba, cu integridad y honestidad, pa motibo cu MEP ta un partido cu den pasado y awor tambe si ta probecha di pueblo(huurmento di edificio di famia, y



persecucion politico).

Henny Eman a sigui bisa cu e ta contento cu nos sistema judicial, cu ta un di e mihornan di mundo, y e ta bay pone direccion grandi di su bida den man di nos hueznan.

Un palabra di advertencia grandi a worde manda tambe di parti di Eman pa e Gobierno di MEP, unda cu e ta bisa cu e direccion y e intencion cu e gobernantenan aki tabata tin tras di henter e asunto aki, no lo worde lubida cu e sentencia di Diamars.


E Politiconan di awe tin cu pensa cu tin un mayan, y cu

nos mester eleva nos sistema politico, na unda cu nos tin respet pa otro, y unda cu berdaderamente e sistema democratico ta funciona riba e nivel cu nos tur ta desea.

Esaki segun Henny Eman cu a sigui bisa cu e ta contento pa su ruman, pasobra lo ta hopi fastioso si e a drenta un campaña, unda cu un ruman ta worde sospecha di a haci cosnan hopi negativo.

Pues Eman a bisa cu, mirando e sentencia awor practicamente bo por bisa cu oficialmente e campaña di AVP a cuminsa.

BARCO DI FRUTA KOMT ZO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Luz di Palo

Afl. 39,95